

宛陵先生集

二

宛陵先生集
解題
PDG

宛陵先生集目錄卷第二十

和劉原甫過子飲 送湯秀才下第歸

送門人游江西 荅來上人春日卽事

送楊職方信州倅 送勾太丞潁州倅

和來叔六篇 詳定幕次呈同舍

代鳩婦言 看花呈子華

禁中輕紅牡丹 和鄭幾桃花

啼鳥 次韻繙叔遺酒

和景仁殿幕閒興 游延義閣後藥欄

龍栢 延義閣牡丹

奉呈諸君 細竹

夜賦 三月九日迎駕

浹日 宮槐

景福殿醖釀花 詩癖

石詠 逾旬

晨起 金沙花

賜食 賜酒

賜書 賜燭

賜果

柳絮 殿後書事

雨夜 景福殿水

雨後 象戲

再觀牡丹 白牡丹

紫牡丹 七寶茶

庖烟 省中

天上 明月

再賦 殿中桺絮

目錄終

宛陵先生集卷第二十

宋宛陵梅堯臣聖俞著

次韻和劉原甫紫微過子飲酒

所居汴水近未有鼓吹蛙昨日春雨晴車騎臨
我家我家苦僻遠庭下無泥沙爲撒麴面醅爲
煎鷹爪茶乳羹毛紫莢蜜果飢乾瓜與我相對
飲但恨諸友遐笑語雖同昔放浪不少加忽觀
壁間字坐歎目昏花公壯尚若此我老死豈賒
門前賣桃李呼買婀娜華東簷大槐樹上有鳥
雀諱恃舊無猜嫌醉弁已傾斜將去還見規禮
數何檢差後從江韓來襖帶歡莫涯

送湯延賞秀才下第歸

參差綠柳上撩亂黃鸝飛失意暫時屈獨嗟千
里歸淮船行欲駛江魴去應肥謝眺吾鄉守欣
欣見綠衣

送門人歐陽秀才游江西

客心如萌芽忽與春風動又隨落花飛去作西
江夢我家無梧桐安可久畱鳳凰巢在桂林鳥

哺不得共無忘桂枝榮舉酒一以送

荅來上人春日卽事

南國三衣客王城一見春花明馳道遠雨漲御
溝新茗憶山中物雲懷嶺上鄰如何異鄉感却
出解空人

送楊申職方通判信州

從來饒信吏愛實襲侈越莫買冰王營蒼山斲
明月明月有時生窮巖有時竭君常抱清節歷
職老無闕與我年齒同獨未變華髮又爲江外
行畫舸美明發

送勾諶太丞通判潁州

潁川倒灣流欄船曲轉鈎吏迎如太守民望亞
諸侯芳圖深通野寒湖半抱州前賢多舊迹佳
詠聽君畱

和永叔六篇

嘉祐四年春 御試進士翰林學士歐陽永叔
韓子華集賢校理江鄰幾同爲詳定官有詩六
篇出而使子和焉

詳定幕次呈同舍

花樹天邊雨露勻，群公偷看錦叢新。
眼穿欲折無由折，賞到人間不是春。

代鳩婦言

不如作蜚依蠶族，以絲自裹還自足。
與爾爲婦過一生，怒卽分飛同轉目。
辛勤哺雛寄鵲巢，子母生離因爾逐。
羽毛曾未顏色衰，飲啄不計豐儉時。
天陰輒遣呼輒歸，恩情紙薄誰信之。
朝爲夫婦夕行路，世間反覆那能知。
伋妻白母非美事，後代放此誠堪悲。

看花呈子華內翰

時不選數老獨嗟鬢毛未變目，未花愛公深殿見。
桃李長才高詠無能加，紅英灼灼弄日色。
穠艷皎皎生鉛華，長廊垂幕風不動。
映柳黃鶯吟未涯，囊裏新泥補巢缺。
蝸壓峻陞臨角斜，是時唯聞鳥雀鬧。
盡日不聽車輪譁，雖傳此景無分到。
但訝習慣猶豪誇，他年造物儻有意。
不使齷齪居貧家。

禁中韉紅牡丹 洛中花之奇者

與公同是洛陽客，今日論年皆作翁。
一見此花知有感，衰顏不似舊時紅。

和鄴幾學士桃花

深殿有春人到稀，武陵雖說昧當時。
躊躇莫憶人間世，恐至塵中悔却遲。

啼鳥

提胡蘆提胡蘆，爾莫勸翁沽美酒。
公多金錢賜醇酎，名聲壓時爲不朽。
百舌子百舌子，春泥方滑滑泥。
雖滑滑輦道平，莫學竹雞言易發。
深宮許爾來報春，便是好鳥同其群。
清聲囀入君王耳，安用穿叢苦避人。
桃李無言何所益，畢竟有謝須紛紛。
莫以榮華長不歇，人間已見程公門。
安不忘危誰可貴，貴時能憶困時聞。

縉叔以詩遺酒次其韻

雜言

君嘗謂我性嗜酒，又復謂我耽於詩。
一日不飲情頗惡，一日不吟無所爲。
酒能銷憂忘富貴，詩欲主盟張鼓旗。
百觚孔聖不可擬，白眼步兵吾

久師君多賜壺能以遺向口蒲碗傾玻瓈醇醖
甘滑泛綠蟻從此便醉醒無期既以樂吾真亦
以泰吾身真問今人與古人

和范景仁王景彝殿中雜題三十八首並

次韻

殿幕間興

宮殿深沉處鶯花爛漫時關關啼清吭舊舊發
朱甍天上春應早人間日轉遲得賢如漢盛五
字變周詩

游延義閣後藥欄

授經開漢帝嘗此講秦餘一日承丹詔同時見
子虛來游瓊閣外閒傍藥欄初柳絮輕粘屐襪
條澁惹裾解歸巢上燕思寄袖中書此鳥如矜
慎飛飛與客疎

龍栢

花非龍香葉非栢獨竊二美誇芳蕤苦練不分
顏色近紫荆未甘開謝遲群公莫以得地貴竟
費佳句何足思

延義閣牡丹

花中第一品天上見應難近暑多紅藥層城有
射于生雖由地勢開不許人看天子何時賞宮
娥捧玉盤

奉呈諸君

參天朱閣峻拂地柳條垂太液綠波漲建章春
漏遲長人執兵立小豎插花嬉但只逢人說無
由預此時

細竹

森森漢宮竹託本異孤生玉砌綠根近朱欄與
筍平朝烟生密翠晚影漏斜明應待女媧采參
差鳳瑤清

夜賦

月從東殿生叢竹照脩竦葉間清露滴枝上寒
禽動間覺萬慮空靜聞嚴鼓重官燭翦更明相
看應似夢

三月九日迎駕

前殿臨朝百辟回後宮廷閣九重開鳴梢已自

金階出黃屋初迎王輦來不問偷桃方朔飽誰
知載戟子雲才群官望幸無名姓只有窮吟許
外陪

浹日

光陰天上早氣候日邊溫懸蟬時過眼飛蟲稍
入軒看花成子大聞鶯養雛喧每覺瑤池宴風
飄管吹繁

官槐

漢家官殿蔭長槐嫩色葱蔥不染埃天仗龍旂
穿影去鈎陳豹尾拂枝來青蟲掛後蜂嘶子素
月生時桂並栽我意方同杜工部冷淘唯喜葉
新開

有折景福殿後醺醺花至者

有鳥嘶花出清香不畏風初從上林發來過未
央中簇簇霜包密層層玉葉同誰將作美酒醉
看月生東

詩癖

人間詩癖勝錢癖搜索肝脾過幾春囊橐無嫌

貧似舊風騷有喜句多新但將苦意摩層宙莫
計終窮涉暮津試看一生銅臭者美他登第亦
何頻

石詠

君王愛石醜百孔皆相通怪狀一如此補天有
何功匪言不可轉安得來宮中女豈比桂礎瑩
然受磨礱

逾旬

重說已經旬應懷獨寢人通宵彈玉枕白晝拂
牀塵幾想迎雕輦何當快倦身門前車馬立疑
是角生輪

晨起

月向西樓下天光候日開殘星明寶鑑百舌嘗
官槐玉井傳新汲金爐換宿灰黃門馳有詔唱
第許卿來

金沙花

金有披沙得花應不可多栽培由地力艷色與
天和玉座君王賞朱欄將相羅稱觴千萬壽繁

葉柰香何

賜食

誰言出相是山東今日求賢欲致功玉饌滿盤
來禁裏鵲羹分鼎下天中但知愷弟肅君賜舊
訝權輿向國風曾笑侏儒飽欲死宜思薇蕨不
忘忠

賜酒

時頒光祿酒花出漢宮牆湛露承天渥流霞落
羽觴近親龍尾道遠襲雀頭香溺殿人誰見終
知曼倩狂

賜書 善經二字

選來金殿盡英豪 帝筆親承始是遭就裏少
年唯賈誼其間蜀客乃王褒善經有意尊儒甚
推澤方知待士高歸付子孫傳百世深堂閒桂
亦蕭騷

賜燭

天子賜燭昏夜時娉娥閉月栽桂枝稱量高下
唯妍辭相與盡心無附離求安去病如上池照

耀不容毫髮私品藻一定何可移光焰奪畫資
爾爲宣王徒美庭燎詩魏帝自微月殿披我朝
好士萬古垂搜索賢俊登蒿藜孰不力吐肚膽
脾枉用晏飲生脛脂雲龍將見升駸駸燃此必
欲無所遺收殘喜氣如蒸炊蜜蜂慙愧空多知

賜果

前日宮醪賜玉尊今朝待果小黃門乾桃熏李
非時物置案盈盤不次恩投以赤心思武帝握
同玄璧詠劉琨嘗聞食莫陳王業知是幽公幾
世孫

檜詠

文章老重欲追古便作帝宮蒼檜詩青葱玉樹
傳楊子盤屈洪桃見左思龍鱗已愛松身直珠
實還看栢葉垂秀木艷叢邨可擬但將霜雪定
堅矣

柳絮

陶令生涯漉酒中門前種柳萬條新花今吹作
蓬萊雪曲舊得於關塞人應與殘紅閑是伴不

隨舞蝶去爭春可憐輕質都無定一落銀河莫問津

殿後書事

天子尋常幸直廬裹頭宮女捧雕輿紅泥已賜春醅酒黃帕曾經御覽書林果鳥應嘶去後燕窠蟲有落來餘禁中事事能傳詠播在人間不是虛

雨夜

電光初照樹我我葉上微風與雨和王腕愁聞無處奈庭花暗落不應多長楊靜響千重瓦太液寒生幾寸波洗濯青春如有意平明濕羽未離柯

景福殿水

宮井蛟龍天矯垂曉餅初汲渴禽窺清泠已向金盆貯甘滑還從玉椀知九醞酒醇由此得小團茶味爲留遲閣門地脉應相似翰苑曾邀詠昔詩歐陽永叔曾邀余賦閣門水

雨後

新晴殿閣曉初日霧煙中柳重宮腰翳花肥粉頰豐渥恩君自厚藜藿我纔充草木欣欣發誰知造化功

象戲

象戲本從碁局爭後官龜背等人情今聞儒者飽無事亦學婦人閑闢明堂上有奇誰可勝鐔中賭酒令方行直驅猛獸如尋邑何似昇平不用兵

再觀牡丹

聞說偷觀近玉欄腸如車轂轉千盤無人憶著洛陽日走馬魏王堤上看

白牡丹

白雲堆裏紫霞心不與姚黃色闕深閒伴春風有時歇豈能長在玉階陰

紫牡丹

葉底風吹紫錦囊宮爐應近更添香試看沉色濃如潑不愧逢君翰墨場

七寶茶

七物甘香雜藥茶浮花泛綠亂於霞
吸之始覺君恩重休作尋常一等誇

庖烟

幕歷庖烟出綠油欲通雲霧未能周
濕薪燒盡日停午試問霏霏何處浮

省中

漢相家人尚苦疑不言溫室樹何枝
君今坦坦無猜忌夸說皇居盡入詩

天上

紫微垣裏月光飛玉佩腰間正陸離
天上去來知幾日蟠桃結子是歸時

明月

明月已生城上頭小星光滅大星流
來朝放榜出宮去何處殘花轉入溝

再賦

誰人重詠大刀頭只願長明不願流
縱使西傾必東出寧同寒水瀉宮溝

殿中柳絮

玉几當中寶作牀無端絮惹御袍香
群公唱第魚龍化列侍金階若堵牆

宛陵先生集目錄卷第二十一

和景彝春宴

和景彝同飲還省宿

和永叔試諸葛筆

唐書局後得芸香

嘲江翁選接籬

和景彝閣後紫薇花

送李泰伯歸建昌

送林殿丞倅和州

王知章尉河內

送祖擇之赴陝府

中伏日永叔遺永

和永叔送擇之赴陝

送施綽秀才下第

送張山甫武功簿

送微上人歸天台

寄天台梵才上人

送李信臣尉節縣

送王巡檢之定海

劉公同飲永叔家

來上人歸宣城

始作鷲子巾

謹賦

送侯孝傑殿丞簽判潞州

送張子野知虢州

送尹駕部監靈仙觀

送朱戶曹之廣德

次韻和永叔

送王司徒定海監酒稅

李端明挽歌三首

和永叔夜聞風聲有感

和永叔石枕與笛竹簾

寄題朱職方新園

和原甫午寢晚歸

三十二第歸宣城

送刁景純學士赴越州

送宋郎中知商州

定力院賦三學士

和景彝省闈宿齋

送刁景純知會稽

次韻答王景彝問余飲

和景彝對月

和景彝西閣獨直

目錄終

宛陵先生集卷第二十一

宋宛陵梅堯臣聖俞著

次韻景華春宴

法座初瞻戶牖間，衮衣垂處見雲山。
滿斟玉酒傳宣盡，齊插宮花拜賜閒。
紅線織成庭下毯，明珠結出耳中環。
闔雞旗底蓬蓬鼓，逐勝爭名利害關。

次韻景華三月十六日范景仁家同飲

還省宿

種桃依竹似僊家，邀對春風共泛霞。
席上未觀雙舞鳳，城頭已覺聚啼鴉。
忽忽跨馬人歸省，暮暮生烟樹飲花。
稚子候門知我醉，東方明月照扉斜。

次韻永叔試諸葛高筆戲書

公負天下才，用心如用筆。
端勁隨意行，曾無一畫失。
因看落紙字，大小得踈密。
筆工諸葛高，海內稱第一。
頻年直我來，我媿不堪七。
安能事墨研，欲效前人述。
懶性真嵇康，閒坐喜捫蝨。
是以

持獻公不使物受屈，果然公愛之。
奇蹤寫名實，豈惟播今時。
當亦傳異日，嗟哉試筆詩。
藏不容人乞。

唐書局後叢莽中得芸香一本

有芸如苜蓿，生在蓬蒿中。
草盛芸不長，穢烈隨微風。
我來偶見之，乃稱彼藟蒙。
上當百雉城南，接文昌宮借問此何地。
剛修多鉅公，天喜書將成。
不欲有蠹蟲，是產茲弱本。
積爾發荒叢，黃花三四穗。
結實植無窮，豈料鳳閣人。
偏憐葵葉紅，嘲景華獨愛葵花美

嘲江翁還接籬江簡云昔德張籬詩有恐傷人偷剪接尋常懶

書堂

何言恐偷樣，自是君婦懶。
五日縫一巾，猶道苦未晚。

次韻景華閣後紫薇花盛開

禁中五月紫薇樹，閣後近聞都著花。
薄薄嫩膚接鳥爪，離離碎葉剪晨霞。
鳳皇浴去池波響，鵝鵲陰來日影斜。
六十無名空執筆，穎毛應笑映

簪華

送李太白歸建昌

推天以知命自古豈不然桓魋及臧倉嘗毀聖
與賢後人何蹈之其事實好還君居麻源谷學
禮如鄭玄聲名久已大籍籍四海傳昨因丞相
舉便謂升雲烟揭來太學館食貧向三年忽懷
粉榆下歸思獨綿綿得告許暫往落莫求楚船
將鬢滄江上仰看饑飛鳶誰識鸛雛志間誦莊
叟篇喜問里中兒重到舊林泉洗蕩俗塵垢焚
裂跨馬驚不向世路去徒取愁腸煎雞豚粗可
餐禾黍亦足田不慙莎衣蟲以葉自包纏及其
飽滿時曷異冠貂蟬君意我強寫雖慕何田緣

送林大年殿丞登第倅和州

和靜先生負美才族孫今似漢庭枚敗亡項籍
江邊廟應魂文場戰勝來

王知章尉河內

古縣太行下老槐三四株以言新作吏不似舊
爲儒黃綬心猶壯青雲志豈無漢朝吾遠祖不

道此官廳

送祖擇之赴陝府

古來分陝重猶有召公棠此樹且能久後人宜
不忘君從金馬去郡在鐵牛旁山色臨關險河
聲出地長罇無空美酒魚必薦嘉魴天子憂民
切行當務勸桑

中伏日永叔遺冰

日色若炎火正當三伏時盤冰賜近臣絡繹中
使馳瑩澈肖水玉凜氣侵人肌近日多故友分
貺能者誰信都顧貧賤物物義不遺念我老且
病赤瘠生枯皮巨塊置我前疑結造化移畏冷
不敢食有類夏蟲疑雖然已快意何必咀嚼爲
天子厚於公不使熾毒欺公亦厚於我將恐煎
熬隨我有舐犢愛自憐小子龜

次韻和永叔贈別擇之赴陝郊

古人相送贈以言今人相送舉以酒酒行殷勤
意豈踈酒罷躊躇悲更有行當何之來者誰陝
府兵吏爭逌走壺漿往往過函關翰林惜別方

携手自言老大遇知難願得公詩爲不朽公因
索筆作長謠落落寓言誠十九我慙竹管厠官
懸縱合律度應非偶太守西行已不貧忽獲明
珠盈大斗歸立螭頭未是遲暫向棠陰問遺叟
送施綽秀才下第

君嘗老於敵輕彼群兒嬉堅銳不可恃屢非還
自疲胸中多奇秘旣覓何所爲東走滄海上夏
果采荔枝奉親樂無涯豈愧祿仕遲

送張山甫武功簿

洛陽舊交有七人五人已爲泉下塵各家生兒
爲門戶唯子弟兄先立身我與信都侯獨在喜
見及祿知天仁昨日聞補武功吏氣調欲與南
山親少年勉力向職事莫學老貪文字新

送徵上人歸省天台

釋子懷慈母吾儒未易輕不尋琪樹去肯向石
橋行海近雲多潤山高日少晴天恩新賜服書
字欲傳名

寄天台梵才上人

常觀月從東海出想照石橋旁畔人試問當年
與今日清光不改只如新

送李信臣尉節先歸湖州

梁王吹臺側五月多荷花荷開對翹鸞吳客還
思家家在水中城四面如鋪霞馬能長相守千
里獨起嗟補官東海上物景莫言賒

送王巡檢之定海

休淬鸞鷟劍休調鵲血弓平時自壯大何所立
戰功得兵不滿百防寇滄海東駕船如飛鵲出
入巨浪中苟能勇移此遇敵無廢忠

同梅二十五飲永叔家觀所抄集近事

劉敞

陶公一畝宅尤愛北窓風心遠地誠僻客來尊
不空觀書太史氏全性市門翁子亦何爲者於
此清賞同

來上人歸宣城兼東太守孫學士

李白不厭昭亭山看盡飛鳥雲獨聞我今相送
一懷想想在謝公窓戶間

始作鷺子巾

累髻不累額自名鷺子巾翼覆尾涎涎誰問巢
由人

謹賦

避暑就高臺不如就賢人賢人若冰雪論道通
鬼神自言信手書字字事有因往往得遺逸烜
赫見名臣是日劉夫子拍手氣益振重觀太史
公吾徒幸來親大笑舉玉杯陶然任天真內樂
不復熱豈以身爲身

送侯孝僚殿丞簽判潞州

同在洛陽時交游盡豪傑倏忽三十年浮沉漸
磨滅唯餘一二人或位冠夔禹我今存若亡似
竹空有節人皆欲吹置老硬不可截君自縵山
來別我不畏熱言作潞從事家貧祿仕切六月
上太行辛勤非計拙天當氣候涼清風自巖層
雖云數日勞斗與炎蒸絕君本公王孫才行實
修潔鏘鏘發英聲瑩瑩如佩玦是爲君子器終
見不渝涅相逢未易期夢寐歸鼓枻

送張子野知號州先歸湖州

未赴號太守暫歸吳興家吳興近洞庭橘林正
吹花君當橘柚時摘包帶霜華清甘不楚齒若
酒傾殘霞谿山小女兒姹姹兩髮丫裏裹上氈
氍毹嘈弄琵琶是時與之醉何似走塵沙

送尹瞻駕部監靈僊觀

天地如轉磨屑屑今古人一落大化手團品惟
其新不幸積不用袞袞同埃塵日月行何窮過
盡千萬春人生占幾許百歲猶比晨君求瀟山
潛捨去兩朱輪願效陶淵明翦紗爲破巾山前
溪多鱗山下酒甚醇看雲舉大杓杓造舒州民
李白嘗愛之死生曾與均此志我亦有更將猿
鳥親

送朱玠戶曹之廣德軍

南方小兒繞讀書往往得官呵路衝君今五十
始作掾手板青袍非壯圖况來桐汭水上城折
腰強顏休歎吁城西古祠能致雨歲不有旱民
無逋民樂未央君可娛舊俗不與吾鄉殊

次韻和永叔原甫致齋集禧

廟壘靈祠屬二公齊心相望切朱宮綠渠繚繞
墻垣水廣沼清泠漲殿風已詠應麟來五時仍
歌翔鴈雜殊翁遙知畢事期尋勝尚問衰羸未
厭窮

送王司徒定海監酒稅

悠悠信風帆杳杳向滄島商通遠國多釀過東
夷少懷鄉寄書遲見日知晨早應聞有海花何
必樹萱草

端明李侍郎挽歌三首

少年爲侍從名譽竟軒騰每吐習中鳳寧容筆
上蠅受蠶延漢室被謗過周陵今日泉宮啓師
臣禮秩增

官豈不爲達其如望未充敏辭傾一代發問詘
三公耿向承明直思行邵伯風嗟嗟玉樹折埋
沒彼蒿宮

秋樹無黃鳥蟬聲亦自哀素車新隴去白馬舊
賓來薤上朝陽露池中歲劫灰短長何足較嗣

子有高才

次韻和永叔夜聞風聲有感

月落夜正黑風起庭槐端窓間星動搖枕上人
寤歎所歎吹陰雲苦熱彌不歡當其氣莫出曷
若無衣寒虛堂卧竹簟汗體如露溽驅蚊藝蒿
艾寧復襲芝蘭煎灼一如此衰枯誰可完消磨
任寒暑安有不死丹三伏已過二炎赫應漸殘
試看蠅蚋蟲辛勤方轉丸焉得從釣舟逆上嚴
子湍此事人所易謝榮爲獨難誰顧萬古名黑
石持鐫刊風聲不用撼牀頭閒素紈

次韻和永叔石枕與笛竹簟

溪上枕剖龍卵石斲匠簟製虵皮紋客從東方
一持贈竹色蒸青石抱雲磨沙斲骨自含潤飽
霜弔節無畱塵京師貴豪空有力六月耐此炎
蒸劇旱風赤日吹熱來大厦高簷任雕飾頭顱
汗匝無富貧雖有頒冰論官職官高職重冰則
多日永冰消難更得唯公掃室施枕簟迎涼自
感東方客東方客應非俗昏能使賢人心體適

賢人何以偏伏人天下才名方赫赫我吟困窮
不可聽晝夜蚊蚋蒼蠅聲蠅如遠雞耳初感蚊
若隱雷空際鳴葛厨頂綻屋蠋墮菅席中裂麻
經橫平生賦分只煎炒安有祿玉琉璃清猶勝
昔年杜子美老走未陽牛角死因思楊惲廢時
言但願人生行樂爾公今事業在朝廷去就尤
當慎終始待公睦足秋風來去奉高談揮麈尾
寄題朱表臣職方真州新園

青窓江上樹杳藹宮前道道側有新園園中無
惡草松隴方在望茅屋聞已考朝廷正急才何
得言歸老

次韻和原甫閣下午寢晚歸見示

殿閣風來夏日長青林抽嫩見餘芳筆供五吏
詞休敏簾展雙紋睡正涼故事早歸何獨晚舊
交新詠尚無忘不言偃仰中園樂還愛眉間喜
色黃

士
三十二第寺丞歸宣城因寄太守孫學

謝公下車日郡內一登望昭亭山蒼蒼寒谿水
漾漾句清宛微渾三洲分細浪小艇下灘來群
鷗舞潭上借問鷗何若水深魚莫向鷗餒猶識
機魚樂不忘餉子去見太守於我必有訪但寄
此薄言鐫前爲之唱

送刁景純學士赴越州

會稽迎太守舟屋畫粉艫前舟載圖書後舟載
女樂月出鏡湖心長笛使孤作還見漁者來曾
令李暮慢吹裂比竹管士果不可度二分學官
裝艷色闕京洛嘗聞有西子苗苗不相若得郡
考故跡精絕古所作慎莫爲俗牽乘閒數斟酌
送宋郎中知商州 孝孫

商於六百里太守二千石地廣任亦重車建旗
仍赤嘗聞四老人采芝畱舊跡古廟藏空山曾
無漢羽翼其事有圖畫家傳多典籍願君爲政
間校覽知疇昔

六月晦日定力院同原父賦送伯鎮景
純樞言三學士

清秋三黃鵠舉翼東來飛鳴聲既相呼烟水亦相依蓬池不暫止太液未言歸酌酒望滄海飄飄思菊衣

次韻和景彝省闈宿齋二首

晝日南宮雨後涼齋嚴官重靜杉常庭前闌雀墮還起欄下秋花落自香看盡雲客天漏碧讀殘書秩卷披黃九衢塵土莫能到蕭瑟微風葉簾廊

新月斜光依約見夜蟬高樹有時鳴曲眉不想西家樣餒腹還思二子清迭代物華何足較古今榮辱豈須驚靜來應覺能聞少人事區區逐日生

送刁景純知會稽

前有朱翁子後經王右軍至今風俗美自昔誦歌聞秦望臨丹戟耶溪漱白雲只應絲管去驚動海鷗群

次韻荅王景彝聞余月下與內飲

仰頭看月見新鴻形影雙飛玉鑑中呼我作卿

方舉酒更煩佳句賞高風

次韻和景彝對月

蕭蕭風雨變涼意索索晚雲開斗晴已洗浮埃天外靜忽生圓月樹頭明草根蟲穴吟來久屋角星河落更清我愧西垣侍臣比景寒霜鬢兩三莖

和景彝西閣獨直

池頭鳳皇寒井上梧桐老鳳寒浴已晚桐老脫亦早是有詞臣獨直正視蕤嚴嚴代王言落落香清藻演成五色絲世作非常寶貶如市朝捷裒若華袞好四方號令施萬耳昏聾掃此職唯其才用居寧草草

宛陵先生集卷第二十一